

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 79 (1997)

Heft: 6

Artikel: Semegliont vegn medegau da semegliont

Autor: Pfiffner, Marlene

DOI: <https://doi.org/10.5169/seals-881665>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

Semegliont vegn medegau da semegliont

„Similia similibus currentur“, semegliont vegn medegau da semegliont. La lescha fundamentala dalla homeopatia, formulada igl onn 1796 da Samuel Hahnemann (1755 -1843).

Duront sia veta eis el staus miedi da scola. Da quei temps duvrav'ins encunter malsognas sco per exemplu la malaria scorsa da China. L'explicaziun davart igl effect dil chinin era buca verdeivla per Samuel Hahnemann.

Quei ei stau il motiv ch'el ha empruau la scorsa vida sesez.

Suenter haver priu duront in pèr dis da quei mied vegneva el mintgamai malsauns e mussava ils medems simtoms sco malsauns dalla malaria. Mintgaga ch'el calava da prender la scorsa svanevan era ils simtoms. Suenter ver giu experimentau cun students e parents ei siu mein vegnius confirmaus.

Aschia eis el vegnius sill'idea ch'in mied sappi gidar, mo sch'il pazient muossi ils medems simtoms sco il mied provocheschi tiel carstgaun saun. Ina teoria ch'ei vegnida confirmada en differents experiments.

„Similia similibus currentur“

Ferton che la medischina da scola enquera las ragischs dad ina malsogna, sefatschenta la homeopatia culla damonda: Tgei possibilitescha agl organissem da star sauns, malgrad las influenzas externas. Quella damonda fuorma il concept dallas forzas defensivas e curativas.

Ils simtoms ch'il carstgaun malsaun senta considereschan ins ella homeopatia gia sco consequenza d'in disturbi, d'ina malsogna.

Secapescha ch'era la homeopatia ha ses cunfins, tut tenor tgei disturbis, tgei mals e tgei malsognas ch'il pazient ha.

Il lexicon descriva ina malsogna sco disturbi ella successiun dil decuors normal dalla veta. Disturbis ch'ein savens colligai cun ina reducziun dalla productivitat.

Sut il plaid dolur san ins leger el lexicon: dolur vegn corporalmein resentida sco *sentiment* da dolur, psichicamein sco *eveniment* da dolur. Mals e malsognas, pia dus plaids semeglionts cun ina differenta muntada.

Fa ina malsogna buca mal? Dat ei malsognas che fan buca mal, ston ellas far mal? Ei schar encrescher era in mal? Damondas che sedattan da quei tema.

In exempl: Ina dunna els megliers onns vegn malsauna. La gnarva, ei la diagnosa dil miedi. Quella malsogna nunveseivla ch'ei tuttina ina.

Culla dunna va ei mender e mender, la gnarva mudregia, depressiuns e temas vegnan vitier, aunc adina ei tut nunveseivel. Fa la malsogna mal? La risposta ei gie. La malsogna fa mal, il pèz, il cor, mal da veser a pitir ils confamiliars, parents ed amitgs, la malsogna fa profundamein mal. Patertgein nus vid il lexicon retracta ei dad in mal psichic. Tier la malsogna dalla gnarva savein nus pia tschintschar d'ina malsogna cumbinada cun in mal. In auter exempl: In um va cun skis, schula, stat sin peis e senta ch'el sa buc ir. La comba unfla, fa empau mal, ina viseta tiel miedi. La comba ei rutta. In gep, suenter dus dis fa la comba buca pli mal. Tgei ei quei, ina malsogna, in mal? ...In ni l'auter. Igl emprem mument ha la comba fatg mal, mo ussa fa ella ni mal ni retracta ei dad ina malsogna. La comba ei gie buc malsauna, la comba ei „mo“ rutta. Certas culturas vesevan la malsogna savens sco simbol d'in castitg per puccaus e falliments. In meini che ha cuzzau tochen tiel svilup dallas scienzias naturalas, che ha effectuau ina instrucziun da malsogna orientada. Cul svilup dallas scienzias naturalas ei era l'anestesia vegnida vitier. Ina metoda per sclauder ils recepturs da mal dalla periferia duront in cert temps. Metodas ni meglier detg mieds per evitar mals dat ei massa. È quels ein vegni cul svilup dallas scienzias naturalas, e savens suenter ina viseta tiel miedi port'ins cun ins da quels mieds a casa, antibiotica, penicilin, e, e, e ... medicaments. Enstagl da prender medi-

caments enquera adina dapli glieud ils davos onns la via sur la medischina naturala, per exemplu sur la homeopatia che di:
„Similia similibus curentur“, semegliont vegn medegau da semegliont.
Ella sparta dalla medischina naturala s’auda era la medischina da casa che vegneva gia practicada da nos babuns.

Medischina da casa

Encunter mal il venter:

il te da camélla
las ragischs d’ansauna

Encunter mal il magun:

la flur magnucca
las glimaias brinas vivas

Encunter mal il tgau:

beiber caffè
il suc da sèller

Encunter la tuos:

il timian
igl ieli muntaniala

Encunter mals vid ils egl:

in miez truffel sigl egl
la feglia magnuchetta encunter marscha els egl
il latg sin in fazal

Encunter la gnarva:

la primula per saver durmir
il te da melissa
l’aua cun zucher per vegnir ruasseivels

Encunter mal il culiez:

- la salvgia
- il te d'urticlas
- la cugliada (quark)
- il suc da tschaguolas e zucher candel
- las tschaguolas tagliadas finas sin in fazalet
- il latg cauld cun mèl d'aviu
- ils pézs dil pégn verd
- la suitga nera

Encunter mal ils narunchels:

- il paun cucu
- la tiasta

Encunter mal las musclas:

- l'arnica cun vinars, schau in'uriala el sulegl

Encunter mal las combas:

- la flur rudiala
- la feglia da baguos

Encunter marscha:

- las cutgnas
- igl etg da rascha

Encunter briclas:

- il suc dalla flur piertg

Encunter mal ils dents:

- la ragisch rena

Per ina buna circulaziun dil saung:

il te da madregnas

igl agl

il te d'urticlas

Ferton che la medischina ch'il miedi prescriva ei il bia per in mal specific, dat ei neginas contraindicaziuns tier la medischina da casa. La medischina da casa sa medegar differents mals. Il te d'urticlas ch'ei buns encunter mal il culiez ei el medem mument ina medischina adattada per ina buna circulaziun dil saung.

Ed aschia san ins cumbinar la medischina da casa. Sco quei che differentas vias meinan a Ruma, dat ei differentas metodas per medegar il mal.

Spedir diltut il mal vegn denton ad esser grev, accumpogna el gie la carstgaunadad dapi ch'ella exista. Per medegar vein nus denton differentas alternativas, tut tenor tgei mal ni perfin tgei malsoga ch'igl ei.

